



Republika e Kosovës / Republic of Kosova
Komuna - Municipality
Hani i Elezit



01/Nr. 1411 /2023
Data: 20.02.2023

PROCESVERBAL I KUVENDIT TË KOMUNËS

Procesverbali nga mbledhja e parë -I- e Kuvendit të Komunës, mbajtur me datë 31.01.2023 me fillim pune në ora 11:00 në sallën e Kuvendit të Komunës. Të pranishëm ishin: **Mehmet Ballazhi** (Kryetar i Komunës), **Natyra Kalisi** (Drejtoresh e Administratës), **Abduraman Bushi** (Drejtor për Bujqësi Pylltari dhe Zhvillim Rural), **Majlinda Kaloshi** (Drejtoresh për Zhvillim Ekonomik), **Kimete Kuka -Hasallari** (Drejtoreshë për Shëndetësi dhe Mirëqenie Sociale), **Nexhmedin Daci** (Drejtor për Urbanizëm Kadastër dhe Mbrojtje të Mjedisit), **Lindita Ballazhi** (Drejtoresh për Buxhet dhe Financa), **Hisni Luri** (Drejtor për Arsim, Kulturë, Rini dhe Sport), **Arsim Dernjani** (Drejtor për Shërbime Publike dhe Emergjencë), **Sara Berisha** (Asistente e Kryesuesit të Kuvendit të Komunës), **Bashkim Sopa** (Zyrtarë për Informim), Përfaqësuesi i OSBS-së. Kryesuesi pasi konstatoi prezencën e anëtarëve të kuvendit, konstatoi se nuk mungon asnjë anëtarë i Kuvendit të Komunës.

RENDI I PUNËS

1. Miratimi i procesverbalit nga mbledhja e kaluar.
2. Raporti financiar për vitin 2022.
3. Propozim vendimi për ndarjen e bursave për studentë për vitin akademik 2022-2023.
4. Plani i punës së këshillave të fshatrave për vitin 2023.
5. Plani i punës së katër komiteteve konsultative për vitin 2023.
6. Plani i punës së këshillit komunal për siguri në bashkësi për vitin 2023.
7. Harmonizimi i rregullores për Transportin Rrugorë në Territorin e Komunës së Hanit të Elezit.
8. Plani i menaxhimit të mbeturinave.
9. Informatë mbi veprimtarit e subjekteve afariste për vitin 2022.
10. Të ndryshme.

Kryesuesi thekson:- përveç pikave të rendit të punës kemi edhe një material shtesë që ju është përcjell nga sekretaria dhe ka të bëjë për harmonizimin e rregullores për taksa komunale për vitin 2023. Për pika e rendit të punës hapi diskutimin.

Sherif Berisha thekson:-propozoj që në rend të punës të hynë edhe falja e borxheve për tatimin në pronë në vlerë prej 100 €.

Refet Kalisi thekson:- propozoj që ndahen mjete financiare për ndihmë komunës së Skenderajt për shkak të vërshimeve të cilat kanë ndodhur

Kryesuesi thekson:- çështjen e ndihmës financiare propozoj që të diskutohet te të ndryshmet. A keni edhe ndonjë diskutim për pikën shtesë që u propozuan , nëse nuk ka e hedh në votim; rezultati i votimit ishte 11 për 4 abstenim. Në tërësi e hedh në votim rendin e punës, rezultati i votimit ishte njëzëri.

U MIRATUA RENDI I PUNËS

Procedojmë me këtë rend të punës:-

1. Miratimi i procesverbalit nga mbledhja e kaluar.
2. Raporti financiar për vitin 2022.
3. Propozim vendimi për ndarjen e bursave për studentë për vitin akademik 2022-2023.
4. Plani i punës së këshillave të fshatrave për vitin 2023.
5. Plani i punës së katër komiteteve konsultative për vitin 2023.
6. Plani i punës së këshillit komunal për siguri në bashkësi për vitin 2023.
7. Harmonizimi i rregullores për Transportin Rrugorë në Territorin e Komunës së Hanit të Elezit.
8. Plani i menaxhimit të mbeturinave.
9. Informatë mbi veprimtarit e subjekteve afariste për vitin 2022.
10. Harmonizimi i rregullores për taksa komunale për vitin 2023.
11. Falja e borxheve për tatimin në pronë në vlerë prej 100 €.
12. Të ndryshme.

1. Miratimi i procesverbalit nga mbledhja e kaluar.

Kryesuesi thekson:- a keni ndonjë vërejtje rreth procesverbalit, nëse nuk ka e hedh në votim; rezultati i votimit ishte njëzëri.

U MIRATUAR PROCESVERBALI NGA MBLEDHJA E KALUAR

2. Raporti financiar për vitin 2022.

Kryesuesi thekson:- për këtë pikë të rendit të punës hapi diskutimin.

Lindita Ballazhi thekson:- buxheti i komunës së Hanit të Elezit i ndarë për vitin 2022 është në lartësi prej 2,759,758.00€, ndërsa ai përfundimtar është 2,997,869.29 €. Nisur nga vlerësimi i përgjithshëm del se niveli i shpenzimit të buxhetit për këtë periudhë janar-dhjetor 2022 është në shumë prej 2,704,227.52 € apo 90.20%. Prej tyre për Paga dhe shtesa janë shpenzuar 1,694,967.79 € apo 95.11 %, mallra dhe shërbime 396,616.33 € apo 96.56 %, shpenzime komunale 67,684.20 € apo 99.98 %, subvencione dhe transfere 85,967 € apo 98,81 % dhe shpenzime kapitale 458,992.20 € apo 75.68 %.

Resul Suma thekson:- cila është arsyeja që kemi mbetur suficit për shkak se qeverisja matet me atë se çka shpenzohet e jo se çka ruhet.

Sherif Berisha thekson:- me këtë raport financiarë nuk pajtohem për shkak se komuna e Hanit të Elezit për vitin 2022 ka shpenzuar buxhetin 90.20 %, ndërsa mjete të pa shpenzuara janë në shumë prej 293 641.77 € apo 10 % e buxhetit total. Në këtë raport ka shumë gabime në buxhetin final sipas kategorive të shpenzimeve e që në këtë raport financiar del që janë të përshkruara katër lloje të buxhetit dhe nuk e kuptojë se cili është buxheti përfundimtarë i komunës sonë. Në faqen pesë performaca e shpenzimeve ka shënuar që projeksionet buxhetore të vitit 2022 kanë qenë në shumë prej 2 933 774.29 € ndërsa në përqindje është 91.52 % . Në faqe shtatë është shënuar që buxheti përfundimtarë është në shumë prej 2995979.29 €. Faqe shtatëmbëdhjetë është shuma e buxhetit prej 3 001695.44 € me një shpenzime prej 75.49 % e që i bien që në këtë raport nuk e dimë se sa ka qenë buxheti për vitin 2022. Po të krahasohen me tabelarë me raportin e vitit 2021 ka dallime të mëdha. Te kategoria e investimeve kapitale ka një mos përputhje në totale me listën e projekteve kapitale dhe nëse shikohet buxheti në faqen tetë është në shumë prej 650 270.00 €, ndërsa lista e projekteve kapitale që është shënuar në faqe tridhjetë është në shumë prej 568782.76 € që do të thotë një shumë e mjeteve nuk dihet se ku janë shpenzuar.

Lindita Ballazhi thekson:- siç e shihni në raport del se të gjitha kategoritë janë shpenzuar maksimalisht dhe çdo njëra 95 % apo 96 % , ndërsa suficit është në kategorinë e pagave që në bazë të ligjit të buxhetit kemi pasur numër të aprovuar të të punësuarve 239 duke e përfshirë administratën komunale sektorin e shëndetësisë dhe sektorin e arsimit. Në administratë komunale i kemi pasur katër pozita të lira dhe në drejtorin e urbanizmit zyrtari ka filluar me punë në drejtorinë e financave është faza finale, pra katër pozita kanë qenë të planifikuara por nuk kanë qenë të rekrutuara dhe këtu janë suficit katër paga për dymbëdhjetë muaj. Te drejtoria e arsimit me ligj të buxhetit kanë qenë të aprovuara 142 pozita dhe deri në fund kanë qenë të rekrutime 125 pozita që do të thotë është një diferencë e madhe që do të thotë që pagat e gjithë këtyre pozitave janë kthyer në suficit që i bien që nuk ka aspak të bëjë me keq menaxhim të buxhetit. Shumën të cilën e potencoi këshilltari z. Sherif Berisha është gabim 29300.00 € që janë përfshirë donacionet dhe të hyrat vetanake të cilat nuk shpenzohen por barten në vitin vijues dhe nuk kthehen në qeveri por në qeveri kthehen burimet prej granteve ndërsa donacionet dhe të hyrat vetanake barten. Asnjë tabelë që është shënuar nuk është gabim por dallohet tabela prej tabelës. Në faqe pesë e kemi të shënuara se sa ka qenë në bazë të ligjit të buxhetit të cilin mund ta shikoni në faqe të Ministrisë së Financave të cilat janë këto ndarje , mirëpo në këto kategori ekonomike ka pasur rritje kur kemi bërë bartjen e të hyrave vetanake në vitin 2021 që kemi pasur ngritje në kategorinë e mallrave dhe shërbimeve 21800 € , në kategorinë e subvencioneve në shumë prej 7000 € , në kategorinë e investimeve kapitale kemi pasur rritje në shumë prej 43937.76 € që do të thotë totalin që e kemi rritur buxhetin e komunës vetëm nga bartja e të hyrave është shumë prej 72737.76 €, kemi pasur grant shtesë prej MAPL-së për shtimin e kapaciteteve të ujit dhe rregullimin e rrjetit të ujësjellësit që ka qenë në kategorinë e shpenzimeve kapitale që është rritur përsëri në shumë prej 37180.00 €. Kemi pasur donacion nga IPA fondet 62 124.45 € që prej kësaj vlere janë bartur 2984.43 € dhe po ashtu në shpenzime kapitale janë bartur 55 259.43 €. Kemi donacione të cilat janë të bartura vit pas viti. Në sektorin e shëndetësisë ka pasur shtesa për shkak të epidemisë në shumë prej 20286 € si dhe shtesa tjetër në shumë prej 1890 € mbi pagën bazë të punonjësve në sektorin e shëndetësisë. Të gjitha këta i rrisin kategoritë ekonomike të cilat janë të ndara me ligj të buxhetit që do të thotë duhet ta bëni dallimin ndërmjet mjeteve të ndara në bazë të ligjit të buxhetit dhe mjetet të cilat ndahen nga donacionet e tjera.

Ajnore Thaçi thekson:- shpenzimet e telefonisë mobile në vitin 2021 janë në shumë prej 12723 € ndërsa në vitin 2022 në shumë prej 8217 €, kërkoj sqarim për këtë dallim që është.

Zaim Bela thekson:-të njëjtat pyetje i kisha sikur se z. Sherif Berisha por a ka mundësi me na shpjeguar për shkak se suficit ka dalur komuna në shumë prej 293000 € dhe a mjete financiare kthehen dhe sa mbeten suficit. Në tabela nuk përputhen shifrat dhe është mirë me na sqaruar.

Hyriete Isufi thekson:- mesataren e krejt shpenzimeve e kanë rrëzuar shpenzimet kapitale 75.68 % ndërsa këto tjerat nuk janë keq. Pse nuk janë shpenzuar mjetet financiare për investimet kapitale .

Refet Kalisi thekson:- sa i përket materialit i cili është dërguar jam i kënaqur sepse ka transparencë. Pse nuk janë paraqitur subvencionet me emër dhe mbiemër. Shpenzimet e vogla pare gjepi është mirë me nja shpjeguar. Është mirë me na shpjeguar çështjen të cilën e keni shënuar planifikimi, urbanizmi dhe inspeksioni. Shpenzimet për mbeturina në këtë vit janë shumë 11179.00 € për komunën ndërsa në vitin e kaluar janë shpenzuar 9263 €, a janë shtuar kontinerët apo kemi pasur borxhe nga viti i kaluar. Kërkoj sqarim të qiraja për makineritë.

Lindita Ballazhi thekson:- nuk e di si ju ka dalë kjo shifër e suficitit dhe unë edhe më herët e ceka se është pjesë e të hyrave vetanake 125 200 € të cilat nuk janë shpenzuar dhe të njëjtat do të kthehen dhe në vitin vijues do ta bëjmë bartjen në vitin vijues. Një pjesë të mjeteve e kemi edhe prej donacioneve 43,809.00 € dhe në fund të muajit dhjetorë është transferuar ajo shumë dhe e njëjta do të përdoret në vitin vijues pasi që projekti është për vitin 2023. Për telefoninë mobile nuk kam ndonjë sqarim të veçantë sepse aq kemi shpenzuar. Shpenzimet kapitale janë në vlerë 76% janë disa projekte të cilat janë në vazhdimësi të cilat nuk kanë përfunduar në vitin 2022 sepse nuk mund të bëhet pagesa e projektit total pa u përfunduar. Emrat e përfituesve individual nuk janë shënuar sepse ka të bëjë me privatësinë e personit. Sqarim kam dhënë se cilat etnitet janë subvencionuar. Qiraja për makineri ka të bëjë për servisimin e printerëve. Planifikimi urban dhe mjedisi është program që drejtorja e Urbanizmit e ka kodin 660 por e kemi edhe nën programin e këtij program që ka të bëjë me planifikimin urban dhe inspeksionin dhe në kuadër të planifikimit urban i kemi projektet që do të thotë se çdo projekt e ka kodin e vetë. Parat e gjepit janë petikeshi.

Hisni Luri thekson:- para gjepi në drejtorin e arsimit janë shpenzuar në tri projekte e që njëri prej tyre ka qenë për nevojat e institucionin ardhmëria që ka qenë nën një mijë euro. Projekti tjetër ka qenë me organizatën e tokës që në shumë prej 500 € me mbështetur organizatën për aktivitete të nxënësve të cilët e kanë pasur një projekt të fituar dhe ne si komunë kemi investuar në shumë nën njëqind euro që e kanë blerë një kontinier për me i ujitur parqet.

Sherif Berisha thekson:- kërkoj sqarim për shërbimet kontraktues në shumë prej 57 000 €.

Lindita Ballazhi thekson:- kemi shërbime të ndryshme intelektuale dhe këshillëdhënëse të cilët janë persona me kontratë në vepër. Shërbimet kontraktuese tjera janë shërbime të ndryshme dhe sqarimet i keni në raport.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte 14 për 1 abstenim.

U MIRATUA RAPORTI FINANCIAR PËR VITIN 2023

3. Propozim vendimi për ndarjen e bursave për studentë për vitin akademik 2022-2023.

Kryesuesi thekson:- për këtë pikë të rendit të punës hapi diskutimin.

Hisni Luri thekson:- materialin e keni pranuar me kohë dhe nëse keni ndonjë propozim mund të parashtroni.

Resul Suma thekson:- nëse nuk plotësohet numri me studentët të Universitetit të Tetovës apo të Universitetit të Prishtinës a mundte me u shtuar numri i bursave

Hisni Luri thekson:- nëse dhjetë studentë nuk janë kuadër deficitarë nga universitet e Maqedonisë Veriore, ndërsa në Universitetin e Prishtinës kemi studentë që studiojnë në fakultet të Mjeksisë do të plotësohen me të Republikës së Kosovës. Këto do të sqarohen kur të shpallet konkursi duke i përcaktuar kriteret sipas rregullores.

Refet Kalisi thekson:- në qoftë se dhjetë studentë konkurrojnë të cilët studiojnë në fakultetin e mjekësisë dhe pastaj shtrohet pyetja se ku mundemi me ju siguruar punë

Hisni Luri thekson:- do të jenë përfitues të bursës dhe ne nuk mund të ja garantojmë punën dhe kemi nevojë për mjekë për shkak se ju e dini që disa mjekë po shkojnë edhe jashtë shtetit. Ne e kemi miratuar rregulloren dhe në bazë të rregullores jemi bazuar.

Zaim Bela thekson:- është mirë që është shtuar numri dhe ndoshta mund të jenë njëzetë studentë që studiojnë në Universitetin e Tetovës dhe mund të jenë njëzet të Universitetit të Prishtinës por është mirë që mos me i ndarë por ata që i plotësojnë kushtet me qenë përfitues pavarësisht se janë studentë që studiojnë në Maqedoninë Veriore .

Mehmet Ballazhi thekson:- nuk është e përcaktuar që dhjetë studentë me i ndarë në universitet të ndryshme por janë dhjetë të rezervuar për studentët që studionë jashtë Kosovës . Nuk mundemi në mënyrë hipotetike me ditë se kush ka me konkurruar por ne jemi bazuar në bazë të kriterëve për shkak se rregulloren e kemi miratuar në Kuvend. Mungesa e kuadrove deficitare që e kemi dhe kemi edhe studentë në Maqedoninë veriore që studiojnë dhe në këtë formë e kemi më lehtë me i subvencionuar në mënyrë që sa do pak me ju ndihmuar sepse nuk kanë pasur mundësi me u regjistruar në Universitetin Publik të Kosovës për shkak të kërkesave të mëdha të cilat janë.

Kryesuesi thekson:- për këtë pikë të rendit të punës hapi diskutimin, nëse nuk ka e hedh në votim; rezultati i votimit ishte njëzëri.

U MIRATUA PROPOZIM VENDIMI PËR NDARJEN E BURSIVE PËR STUDENTË PËR 2023

4. Plani i punës së këshillave të fshatrave për vitin 2023.

Kryesuesi thekson:- për këtë pikë të rendit të punës hapi diskutimin.

Natyra Kalisi thekson:- sipas udhëzimit administrative dhe rregullores së këshillave të fshatrave, parashihen që t'i kenë gjashtë mbledhje brenda vitit. Plani është hartuar në bashkëpunim me grupin punues.

Hyriete Isufi thekson:- këshillat e fshatrave një kohë kanë funksionuar pa pagesë dhe është e pa mundur me kërkuar prej dikujt një shërbim nëse nuk e kompenson.

Natyra Kalisi thekson:- jemi ndër komunat e vetme që jemi duke i kompensuar këshillat e fshatrave.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

U MIRATUA PLANI I PUNËS SË KËSHILLAVE TË FSHATRAVE PËR VITIN 2023

5. Plani i punës së katër komiteteve konsultative për vitin 2023.

Kryesuesi thekson:- për këtë pikë të rendit të punës hapi diskutimin. nëse nuk ka e hedh në votim; rezultati i votimit ishte njëzëri.

U MIRATUA PLANI I PUNËS SË KATËR KOMITETEVE KONSULTATIVE PËR VITIN 2023

6. Plani i punës së këshillit komunal për siguri në bashkësi për vitin 2023.

Kryesuesi thekson:- për këtë pikë të rendit të punës hapi diskutimin.

Mehmet Ballazhi thekson:- takimet e KKSBB-së mbahen çdo dy muaj dhe në plan janë paraparë aktivitete dhe objektivat për vitin 2023.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

U MIRATUA PLANI I PUNËS SË KËSHILLIT KOMUNAL PËR SIGURI NË BASHKËSI PËR VITIN 2023

7. Harmonizimi i rregullores për Transportin Rrugorë në Territorin e Komunës së Hanit të Elezit.

Kryesuesi thekson:- për këtë pikë të rendit të punës hapi diskutimin.

Arsim Dernjani thekson:- kjo rregullore është Miratuar por Ministria e Administrimit të Pushtetit ka kërkuar që të bëhen edhe disa ndryshime dhe ne i kemi bërë ndryshimet.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

U MIRATUA HARMONIZIMI I RREGULLORES PËR TRANSPORT RRUGORË NË TERRITORIN E KOMUNËS SË HANIT TË ELEZIT

8. Plani i menaxhimit të mbeturinave.

Kryesuesi thekson:- për këtë pikë të rendit të punës hapi diskutimin.

Arsim Dernjani thekson:- plani është punuar nga një grup punues dhe është shqyrtuar në Komitet për Politikë e Financa dhe në këtë seancë kërkoj që ta votojmë për debat publik.

Resul Suma thekson:- materialet e ngurta a është e vërtetë që kompania “Sharrcem” nuk është t’i pranuar.

Mehmet Ballazhi thekson:- ne e kemi një marrëveshje me kompaninë “Sharrcem” për hedhjen e mbeturinave të ngurta ku e marrin lëndën e parë dhe ndonjë herë aty nuk i pranojnë për do arsye sepse shoferët të cilët shkojnë aty dhe i kanë do kritere që duhet me i plotësuar që duhet të bartin helmetë dhe pajisjet që duhet, e që ne nuk jemi të përgatitur për këto gjëra dhe po bëmë në kundërshtim dhe pastaj po i kthejnë. Qytetarët duhet të lajmërohen në komunë dhe zgjidhje ka për këtë çështje.

Sherif Berisha thekson:- me intereson çështja e mjeteve për shkak se në vitin 2023 parashihen disa shuma dhe në vitin 2024 parashihen disa tjera.

Arsim Dernjani thekson:- ky është draft dhe në debat publik do të jenë edhe grupi punues dhe mund të ju jep sqarime më të sakta.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

U VOTUA PLANI PËR MENAXHIMIN E MBETURINAVE QË TË PËRCILLET PËR DEBAT PUBLIK

9. Informatë mbi veprimtarit e subjekteve afariste për vitin 2022

Kryesuesi thekson:- për këtë pikë të rendit të punës hapi diskutimin.

Majlinda Kaloshi thekson:- në informatë janë paraqitur të gjitha të dhënat për bizneset të cilat operojnë në komunën e Hanit të Elezit. Nëse keni ndonjë vërejtje apo sugjerim mund të parashtroni.

Zaim Bela thekson:- sa është numri i biznesve të cilat janë regjistruar në vitin 2022. A dihet borxhi totla deri më tani sa është i bizneseve.

Majlinda Kaloshi thekson:- janë nëntëmbëdhjetë biznese individuale dhe njëmbëdhjetë shoqëri me përgjegjësi të kufizuara që do të thotë se janë tridhjetë biznese të reja. Në raportin fillestarë që e kemi paraqitur në fund të vitit 2021 e kemi shënuar se sa është numri total i borxheve të cilat ne i kemi trashëguar dhe është një shumë e madhe por akt nuk më kujtohet shuma por mund të ju informojë në seancën e radhës.

Sherif Berisha thekson:- cili lloj i bizneseve është hapur dhe cili lloj i bizneseve është mbyllur. E kam parë marrëveshjen për funksionimin e sektorit të stomatologjisë dhe doktori z.Jetmir Shkreta kishte edhe biznes privat dhe më intereson të dijë se a figuron si biznes.

Majlinda Kaloshi thekson:- i kemi ndarë bizneset të cilat figurojnë gjatë vitit 2022 dhe të gjitha bizneset të cilat janë regjistruar dhe figurojnë që nga viti 2014 . I njëjti sistem vlen për bizneset e mbyllura. Për biznesin e z.Jetmir Shkreta nuk kam informacion të saktë dhe nuk mundem me dhënë përgjigje.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka kalojmë në pikën e radhës të parapres sipas agjendës.

10. Harmonizimi i rregullores për taksa komunale për vitin 2023.

Kryesuesi thekson:- për këtë pikë të rendit të punës hapi diskutimin.

Majlinda Kaloshi thekson:- pas plotësimit ndryshimit rregullores të cilën e kemi miratuar në kuvend dhe e kemi dërguar në Ministri dhe ka rekomanduar disa ndryshime për veç atyre të cilat i kemi bërë. Materialin të cilin najë ka përcjell Ministria ua kemi dërguar dhe në momentin që do të miratohet do të ja përcjellim Ministrisë.

Zaim Bela thekson:- është mirë që të harmonizohemi mirë me ligjet në mënyrë që mos dalim keq si komunë.

Kryesuesi thekson:-ndryshimet që i ka kërkuar Ministria i kemi bërë dhe i kemi dërguar, rregullorja është dërguar në me ato ndryshime të vogla në Ministri dhe përsëri kanë kërkuar me i ndryshuar edhe disa pika.

Majlinda Kaloshi thekson:-rregullorja është Miratuar në Kuvend dhe e kemi dërguar në Ministri dhe pastaj është dërguar për rishqyrtim dhe i kemi bërë plotësimet të cilat i ka rekomanduar Ministria dhe e kemi dërguar në Ministri dhe pastaj Ministria ka kërkuar edhe ndryshime tjera që është dashur herën e parë me najë përcjell.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

U MIRATUA HARMONIZIMI I RREGULLORES PËR TAKSA KOMUNALE PËR VITIN 2023

11. Falja e borxheve për tatimin në pronë në vlerë prej 100 €.

Kryesuesi thekson:- për këtë pikë të rendit të punës hapi diskutimin.

Sherif Berisha thekson:- kërkoj edhe nga grupet parlamentare që të votohet propozimi për faljen e borxheve për tatimin në pronë në vlerë prej 100 €.

Mehmet Ballazhi thekson:- do të ishte mirë me diskutuar por nuk kemi se çka me diskutuar pasi që nuk kemi drejtë ligjore për me i fal borxhe të tjerëve për shkak se nuk është në përputhje me ligjin. Është mirë që Qeveria me i harmonizuar në parlament ligjet dhe pastaj komunat mos me i qit keq për shkak se nuk kemi mundësi me i ndryshuar prej ktuhit Ligjet. Edhe nëse miratohet ky vendim Ministria përkatëse do ta kthen në rishqyrtim dhe është mirë që mos me ra në atë nivel.

Refet Kalisi thekson:-unë nuk jam kundër këtij propozimi por këto mjete janë të komunës dhe nuk janë të Qeverisë dhe si komunë na dëmtohet buxheti për shkak se nuk është buxhet i Qeverisë dhe për atë jam kundër sepse edhe nëse falen nuk jemi të barabartë.

Resul Suma thekson:-kërkesa është e mirë dhe e di që jemi në krizë dhe në inflacion por në momentin që një kërkesë nuk ka bazë ligjore nuk mendoj që duhet me u votuar sepse na i lejon që kuvendi komunal me fal tatimin në pronë dhe kjo është e drejtë ekskluzive e Ministrisë së Financave e departamentit të tatimit në pronë.

Sherif Berisha thekson:- nuk është mirë më bërë politikë për shkak se kjo është miratuar më herët dhe unë kërkoja në emër të Lëvizjes Vetëvendosje që për vitin 2023 të hiqen nga 100 € dhe kërkoj mirëkuptim në këtë drejtim nga subjektet të cilat janë në kuvend.

Nora Xhoni thekson:- nuk është asgjë politike dhe diçka që është e mirë për qytetarët ne e mbështesim të gjithë dhe ju falënderojmë për iniciativën por nuk po e shohim si të kapshme për me votuar diçka që mundet të na i kthen Qeveria për rishqyrtim sepse tatimi në pronë i ndihmon komunës në zhvillim të infrastrukturës dhe nëse falen dëmtohet buxheti komunës.

Sherif Berisha thekson:- buxheti kur është miratuar ka qenë më herët dhe nuk e ka dituar askush që do të jetë kjo ngritje e tatimit dhe e shohë problem për mos me votuar sepse fatura tash po vjen me ngritje.

Mehmet Ballazhi thekson:-nuk është kundër askush për faljen e borxheve dhe për lehtësimin e qytetarëve për çështje të pagesave por nuk është zgjidhja kjo sepse nuk është ligjore për shkak se është departamenti i tatimit në pronë në kuadër të Ministrisë së Financave të cilët kanë të drejtë ekskluzive dhe kuvendit të komunës nuk i lejohet. Ne mundë të bëjmë politika lokale këtu por nuk na hyjnë në punë dhe nëse në nivel qendrorë harmonizohen për uljen e këtij tavanit minimal të përcaktimit të tarifave të tatimit në pronë atëherë do ta diskutojmë dhe do t'i ulemi.

Zaim Bela thekson:-këtë çështje mundemi me diskutuar këtë çështje dhe është mirë të harmonizohemi edhe me komunat e tjera se si do të veprojnë ata . Në komunën e Hanit të Elezit nëse falen nga njëqind euro komuna do të del në minus katërqind mijë euro. Nëse niveli qendrorë bjenë ndonjë vendim për me i rimbursuar ne mund të marrim vendim për me ja falur.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte 2 për 13 kundër.

12. Të ndryshme.

Kryesuesi thekson:- për këtë pikë të rendit të punës hapi diskutimin.

Hanumshahe Dibrani thekson:- në muajin dhjetorë janë bërë analizat e puseve dhe është potencuar se tre burime nuk janë të pishme dhe është mirë që të informohen qytetarët në mënyrë që mos me përdorur për pije atë ujë . Ndriçimi elektrik për rreth hekurudhës nuk është tu funksionuar . A është ndërmarr ndonjë masë për veturat të cilët parkohen në parkingun e QKMF-së dhe të cilët shkojnë në kafiteri.

Resul Suma thekson:- pse është ndaluar transporti për nxënësit e Ujit të Thartë. Pas çerdhes së fëmijëve është një pjesë e cila lidhet pjesa andej me pjesën e shkollës por është mirë që të shtrohet një pjesë e hollë në atë pjesë për shkak se shumë baltë po bëhet se të gjithë nxënësit e frekuentojnë atë rrugë. Është mirë me vendosur kamera te parku i qytetit për shkak se mund me i dëmtuar lojërat. Vërejtje kam për drejtorinë e shërbimeve publike për shkak se lajmërimi është bërë pas tre dite është dashur prej veb faqes së komunës me i njoftuar qytetarët.

Mehmet Ballazhi thekson:- jemi te bërë një projekt për një mbikalim në atë pjesë dhe ajo pjesa që është e pa shtruar nuk do të jetë funksionale si rrugë dhe rruga është vazhduar me kupëza betoni deri aty për shkak të nevojave të çerdhes.

Sherif Berisha thekson:- pse nuk po ipen shujtat për nxënësit nga muaji tetor dhe mjetet e dedikuara për këtë çështje ku janë destinuar. Pse nuk po vazhdoni me i dhënë shujtat kur e dini se mjetet buxhetore janë planifikuar me qarkoren buxhetore . Nga drejtoria për shërbime publike nuk kemi qenë të informuar për çështjen e ujit. Mostrat e ujit janë marr nga instituti shëndetësorë por nuk janë bërë publike se a është uji i pishëm apo jo . çështja e punimeve në rrugën Hani i Elezit - Gorancë është mirë të na njoftoni. Personat tetra plegjik dhe para plegjik me ligj është e rregullime falja e tatimit në pronë , a zbatohet kjo në komunën tonë.

Arsim Dernjani thekson:- për çështjen e ndriçimit publik e kemi iniciuar procedurën e tenderimit për shkak se ka përfunduar kontrata. Çështja e orëmatësve ndoshta ka mundësi që janë dëmtuar por ju e dini për shkak vërshimit të rekës së Dimcës . Ne vazhdimisht së bashku me stafin dhe akter tjerë jemi munduar me bërë zgjidhje. Problem ka qenë çështja e gypave të cilët janë zënë sepse janë zënë gypat kryesorë dhe në momentin që i kemi liruar ka marr ajr gypi që vjen për Han të Elezit. Kemi pas probleme edhe për Lagjen te Kufiri dhe te Lagja e Bushve . Ndoshta njoftimi është bërë me vonesë por kemi pas shpresë që po e rregullojmë sa më shpejtë. Punimet të cilat janë duke u kryer në rrugën Hani i Elezit – Gorancë është përgjegjësi e Ministrisë së Infrastrukturës por me kapacitete e tona të cilat i kemi mundohemi me pastruar rrugën nga shembjet e dheut të cilat binë.

Kryesuesi thekson:- është dashur me i njoftuar qytetarët me kohë për çështjen e ujit për shkak se nuk është faji yt drejtor pse ka vërshime dhe askush nuk të fajëson por mund të fajësoheni si drejtori nëse nuk e njoftoni qytetarin. Gypat kryesorë të cilët janë vendosur janë vendosur pa kur farë ventilimi por në këtë rast është dashur edhe ish drejtori i shërbimeve publike z.Refet Kalisi i cili është asamblistë me të njoftuar për çështje të ndërprerësve të ujit . Është dashur me lënë një skicë të vizatuar ish drejtori i shërbimeve publike z.Refet Kalisi në mënyrë që me pasur më lehtë drejtori.

Refet Kalisi thekson:- përmes telefonit kam biseduar me z.Kujtim Dernjani dhe drejtorit të shërbimeve publike i kam thënë se nëse keni nevojë njëzet e katër orë mundem me dalë me ju ndihmuar. Këto raste ndodhin për shkak se më kanë ndodhur edhe mu dhe e kuptoj drejtorin por është mirë me pasur interesim më lartë në atë pjesën lartë

Hisni Luri thekson:- transporti i nxënësve të cilët banojnë te Uji i Thartë nuk i plotëson kushtet por ajo punë është bërë për shkak se i ka bartur nxënësit prej fshatit Laç dhe e ka bartur edhe këtë pjesë por un nuk jam i informuar se kur ka ndodhur por nxënësit nga klasa e parë deri në klasën e pestë i merr ndërsa për tjerët ka potencuar se po ka probleme sepse nxënësit nuk janë të disiplinuar. Kjo është punë vullnetare dhe nuk mundemi me kushtëzuar se pse nuk po i merr edhe tjerët për shkak se nuk i plotëson kushtet. Çështjen e shujtave nga klasa e parë deri në klasën e pestë kemi filluar me i ekzekutuar që kanë qenë me qarkore buxhetore të ndara por ka qenë shuma e vogël dhe për ato pesë muaj që i kemi pasur kemi filluar me i ekzekutuar , mirëpo në momentin që na dedikojnë mjete për atë qëllim ne nuk kemi të drejtë me i përdorur për diçka tjetër.

Sherif Berisha thekson:- te qarkorja buxhetore janë dedikuar disa mjete për këtë çështje.

Hisni Luri thekson:- shujta i japim institucionit parashkollorë, ndërsa për klasën e parë deri në të pesetën duhet qeveria me na subvencionuar me mjete financiare se për aq mjete sa i kemi pasur i kemi ekzekutuar .

Malik Berisha thekson:- rruga Hani i Elezit – Gorancë është rrezik por komuna brenda kapaciteteve që i posedon ka reaguar me kohë por është mirë me reaguar edhe në nivel qendrorë për këtë çështje.

Zaim Bela thekson:- prona që janë të vendosur shitoret te kufiri a është pronë komunale, publike apo është pronë e AKP-së . Prej shitoreve të cilat janë te kufiri pesëmbëdhjetë prej tyre ishin të familjeve të dëshmorëve të cilat i kanë të lëshuara me qira dhe është mirë me na njoftuar për këtë çështje. Qytetarët janë ankuar për çështjen e ujit në sezonin e dimrit kurse të reshura ka pasur dhe a dihet kur do të bëhet funksionale fabrika. Është mirë me u rregulluar rruga ku janë të vendosur policia për shkak se rruga për Paldenicë ka telashe gjatë sezonës së dimrit. A do të bëhet transmetimi lajv i seancave të kuvendit të komunës.

Kryesuesi thekson:- dëshira është e madhe për me i transmetuar seanca por mundësitë janë të kufizuara.

Natyra Kalisi thekson:-këtë çështje e kemi diskutuar por nuk kemi mundësi buxhetore po janë duke u transmetuar lajv në jutube.

Arsim Dernjani thekson:-për çështje të rrugës vazhdimisht i kemi dërguar shkresa Ministrisë përkatës por nuk kemi marr përgjigje. Sa i përket çështjes së ujit vazhdimisht kam kontaktuar me kompaninë “Teuta” por nuk kanë dhënë datë por kanë potencuar se vetëm një javë ditë ka punë për me bërë testimin

Sherif Berisha thekson:- sa i përket rrugës së Gorancë ju ftoj të gjithë së bashku me dalë në protestë për me bllokuar rrugën për shkak se frekuentimi është shumë i madh të cilët shkojnë në punë dhe për me kryer shërbime . Jam për me bllokuar rrugën dhe ne të vijmë institucionet sepse nuk shohë arsye që ju potenconi që keni bërë shkresa.

Nexhmedin Daci thekson:- lokalet te kufiri janë në pronë të AKP-së dhe një pjesë është në emër të Ministrisë së Infrastrukturës . Është në plan zgjerimi i rrugës me vazhduar deri në hyrje të terminalit dhe jemi te bërë projektin dhe me shikuar me Ministrinë por nëse ndodhë ai zgjerim lokalet kanë me u larguar por definitive një herë nuk ka asgjë. Projekti te parku ende nuk ka përfunduar dhe do t'i vendosim edhe kamerat.

Zaim Bela thekson:- a është menduar me ju bërë zgjidhje atyre për shkak se ata për qira i marrin 150 € në muaj dhe a është e mundur me ja u barë ndonjë projekt që me ua dhënë nga në lokal dhe pastaj me i demoluar se për një me i ka dhënë pamje të keqe asaj pjese edhe pse e dimë që pesëmbëdhjetë familje e marrin një qiraja prej atyre objekteve. Unë e kuptoj që nuk kemi të drejtë me u përzier pasi që nuk është pronë komunale po pasi është për të mirën e tyre është mirë me ju bërë një zgjidhje .

Nexhmedin Daci thekson:- pronë komunale nuk kemi në atë pjesë dhe lokale nuk mundemi me i bërë askujt dhe për private nuk lejohet me Ligj dhe me pas pronë komunale e procedojmë për kuvend dhe ua ndajmë. Pronarët mundën me ju drejtuar AKP-së apo Ministrisë përkatëse por edhe ajo nuk u a jep për shkak çështjes së legjislacionit. Sa i përket rrugës te stacioni policorë ju e dini marrëveshjen në mes “Bektellenkës” por u ndryshua Qeveria dhe nisën do probleme të tjera dhe ai projekt është harruar prej Ministrisë. Aty i kemi dilemat tona që nuk e shohim si zgjidhje të mirë që rruga me kaluar në atë parkun atje për shkak se shkatërrohet por me plan zhvillimorë e kemi paraparë ndërtimin e shtëpisë së shëndetit në të ardhmen.

Kryesuesi thekson:- si është çështja e etazhitetit.

Nexhmedin Daci thekson:- çështja e etazhitetit zakonisht lidhet me sipërfaqet e lira dhe në zonën urbane për një njësi banesore kërkohen njëzet metra katrorë në mënyrë që sa më shumë ke sipërfaqe të lirë aq më lartë mundesh me ngritur por te ne sipërfaqet e parcelës janë të vogla.

Sherif Berisha thekson:- kërkoj përgjigje me shkrim nga Drejtoria për Shëndetësi se me çfarë procedura e keni pranuar stomatologun, infermieren në QKMF dhe psikologun në shkollë? Për këto pozita a ka pasur procedura nga zyra e prokurimit?

Xhevahir Dernjani thekson:- për çështje të ujit pres që në muajin mars me u rregulluar. Kërkoj nga drejtoria e urbanizmit projektet të cilat i kanë të hartuara është mirë që në muajin mars me i filluar. Drejtoria e Administratës është mirë të jetë në kontakt të vazhdueshëm me Administratorët e fshatrave në mënyrë që me qenë të njoftuar me kërkesat që i kanë që edhe ne me qenë të njoftuar edhe ne si anëtarë të kuvendit të komunës.

Refet Kalisi thekson:- është mirë me i dërguar kërkesë AKP-së për pronën te kufiri.


Nexhmedin Daci thekson:- AKP-ja e ka Ligjin e Privatizimit dhe ata nuk kanë të drejtë për shkak se kemi edhe problemin e fabrikës së ujit për të cilën para dy viteve i kam parashtruar kërkesë qeverisë për shpronësim por ende nuk kemi ndonjë përgjigje.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka shpalli të mbyllur mbledhjen.

Ju faleminderit për pjesëmarrje.

Mbledhja përfundoi në ora 13:36.

Procesmbajtësi
Armi Bushi



Kryesuesi i Kuvendit
Florim Shkreta

